

泉州府志

第三册

卷之七
卷之八
至

K 295.7

2

泉州府志

卷之七
藝文志
七

泉州府志

七

泉州府志卷之七

山川二

南安縣山

南安之山分自晉江雙陽

詳見晉江

轉而西爲九峯山葵

山蓮華山一脈迤邐落平原隱然隆起而縣治負焉

九峯山在三都距縣西北三里閩書山有九峯峯頂有西

華巖宋郡守謝稟勒西華九峯四字于石又有真一泉

三大字

葵山在三都距縣北六七里疊石如筴號疊經石又如葵

花然宋時上有法華院下有華院

詳見寺觀

蓮花峯在一都距縣西北二里名勝志巔開八石若蓮花

故名有蓮花臺宋僧真覺隱處

宋黃庭堅銘自古在昔雷雨電擊天開八石青

蓮跌鄂中有巖壁敷坐宴息大士密蹟置鉢倚錫蛇虺
避宅虎豹伏役行人護戒如龜藏六以戒爲甲如蓮生
泥不染香色維居無數朱子詩八石天開勢絕攀算來
未似此心頑已吞繞白縈青外依舊箇中雲夢寬又羣
峯相接連斷處秋雲起名山深更深咫尺愁千里又流
雲遶空山絕壁上蒼翠應有採芝人相期烟雨外陳知
柔詩多病登臺今古情蓮花搖動午涼生山前木落石
巖出海上潮來秋渚平野興已隨芳草遠歸鞭更傍落
霞明愧無十丈開花句獨卧禪房心自清廖信孫次朱
子韻詩石蕊天然不可攀八風莫動却真頑我心匪此
花能並十丈何如方寸寬林圪詩天開八葉蓮花峯神
龜引子巢其中千年皮骨老化石玉色不與凡工同明

黃克勝詩一朶蓮碧青天削翠巒可憐雲外見宛在水
中看香滿隨風合花明過雨殘如逢太乙子莫忘問
金丹黃鳳翔詩何處飛蓮度孤峯似削成雨餘晴出水
雲外晚含英向日休爭媚凌霜亦自清瀟瀟松與柏欲
綿歲寒盟國朝康待素詩水旋高閣俯城墉覽勝人
傳不老峯鐘鼓常懸千尺石雲烟時抱幾株松斑苔染
座天僊跡寶蓋泥金古佛容更立閩書左壁有宋戴忱
山前看晚景輕風頻送一溪舸

石刻詩曰

此石非凡石成因浩劫塵
一蓮花不老過盡世閒春

後人因構不老亭

遂亦以名峯

明黃河清記去縣治西北二里許峯巒聳
峭奇石矗立中通外綻若吐若舒溪光野

色藻浮萍穠翠然一蓮花故名曰蓮花峯峯之源實遡

于雙陽山雙陽為泉其噴其氣之秀特雄渾淨巧幻奇

固如是耶在昔遺客騷人元儒鉅夫遊蹟尚新泉之登

玩賽禱祀之焉正德丙寅春三月不雨外翁趙先生省

庵偕叔祖竹厓公家君玩槐公禱于石蓮之巔翼日雨

二日再雨三日又雨翁詒于眾曰景勝地靈眾所趨也

曷宇以休之乃各捐已貲鳩工伐石亭于石蓮之麓棖
薨檣棟瓦甍檀根皆石也亭與蓮稱因名曰不老蓋取
宋戴枕一蓮花不老之義乎嗚呼至誠無息天地常在
峯之壽依于天石蓮之壽依于峯亭之壽依于石第人
之壽者賽者登玩者或歲而更或世而屢更亭若峯遞
遞而見之可感也推道德文章有壽而不老者則在人
自力之耳河清流頽無似謬竊峯之名以爲號其敢依
于此峯此亭共載于不老矣乎亭成于正德之初載高
一丈四尺廣一丈六尺深如廣傍創歐陽書室一區居
僧以守高深若廣皆如亭倡役之勦省庵翁最董役之
勦竹匡公最相役則家君最諸凡功于役者皆列于左
方丁一中詩海上峯懸不老亭乾坤終古此山靈雲霞
遙映重顏赤松柏高盤佛髻青福地自宜鍾上壽鈞天
應爲慶遐齡巖翁莫祕長生訣華表來歸舊姓丁朱梧
詩二樹懸空界三天宿客亭狎鷗心匪石巢鶴姓疑丁
飛露要林白平蕪入海青宿醒能幾許坐臥片時醒
國朝王傳詩蓮峯峯上起孤亭亭自蕭疎峯自靈垂地
修藤千丈碧參天古柏萬年青仙方祕錄無尋處怪石

幽花不記歸他日名山投
者去飄然塵外作閒丁

亭旁有巨石扣其聲如鐘鼓

亭後有孤松蟠根石上四時葱鬱如蓋明萬歷閒構樓

于石亭之左今圯下建朱文公陳休齋書室西行數百

步爲奇石室爲石門鑄傳巖二字

明傅夏器記南安附

巖疊石纍纍若蓮花之錯落隆者几張臥者綉盤錯者
基設架者鐘懸罇者劍斷呀者鰲伏怒者虎踞貫者魚
頤突者鳥旂迤南崇岡磷磳竅然爲石室如堅有棟如
覆有輦上有箭道通天光朗融下照層宮嶺焚而嵯峨
與蓮花峯列施替釜爭奇瑰向之藪藁土湮草翳藜蕪
者不知幾屣屨矣姪孫履約始披剪蒙薄艾剔荆棘鑿
石門關石徑贊涼亭砌欄榭雜植嘉木異葩猗蘭桂鬱
芷蕙而紀以八勝余履巉巖攀危石攝衣而上四顧嶄
嶄嶇嶇崔巍壁立稜層聳骨鯁箕跳凌騰清霄而駁雷
霆山水大觀有在是者古之賢豪覽其勝而樂之則有

抗節危言批鱗折檻卽百折不回姜公輔氏以是流寓
此間今北望姜相峯是也余至石室入坐烟火迢杳飛
霧蒙瞶鈴軒婢約寥廓靚遠水瀾不驚山青長環迴絕
乎塵壒山水大觀有在是者古之賢豪覽其勝而樂之
則有柱巾投効鏹采埋光卽沒世而不悔秦系氏以是
盤隱此間今西望隱若亭是也余縱登其巔遠瞰目盡
海色烟浮天光霞繞列嶂雲屯溪流蜿蜒吞吐萬千曠
若躡閭風閣閣之閣開山水大觀有在是者古之賢豪
覽其勝而樂之則有神契真倪與造物遊障百川迴狂
濤宇宙無能爲廣大江海無能爲盈虛朱紫陽以是曠
覽遊戀此間九日而還今西望九日山是也子之構茲
勝也古未有聞發之自子始不知山川有助於人耶不
知子勛山川靈耶不知吾子與山
川之靈兩有待發耶因爲之記

雙陽支行有吳亭山龍山

從縣志增

佛跡山靈秀山翠屏

山大小潘山皆翼于縣之東蓮華右行爲九日山金

雞山主峯山

從前志增

皆翼于縣之西

吳亭山在三都距縣東五里朋山之支也以舊有吳氏墓亭故名轉而左學宮在焉相傳有水遶吳亭山狀元出南安識語

龍山在三都距縣東六七里頂有龍山巖下有慈民院山西行勢如龍偃而復起者九亦曰西山又曰九躍山間

書山連絡翠屏靈秀佛跡諸山上有白衣彌陀釋迦

詳見

寺報劬華嚴

詳見寺觀

延壽上生資慶瑞峯長興諸勝

縣志增慈

恩龍興

二勝

佛跡山在三都唐光啓中夜常有光王延彬舊志作土潮使人

視之見石上有巨人跡因名山有佛跡寺詳見寺觀又有挺

質省權棲岑三禪師塔

靈秀山在三都靈秀佛跡連絡如屏秀麗可愛宋梁公護

隱其下閩書山上有巖阜禱輒應後有石室名空相奉

賓盧尊者多產蘭花元陳駘詩靈秀山前日欲斜尋仙因到梵王家年來不減登臨趣獨

倚寒梅前有廣福福清二寺詳見寺觀

翠屏山在三都距縣東南七八里明黃潤詩花柳重重蔽

呼童攜酒獨登眺
搔首長吟送落暉

蔽肥翠屏春色倍光輝

大小潘山在大溪北民居集上有陳洪進廟詳見宋時

置都廵寨其上

明丁啓濬詩非關謀選勝暫此息塵勞

帆挂急春濤小飲江天暮歸途首重搔沈佺期詩鼎
百年竟莫成誰分逸興共春晴安排千嶂半牀穩鎖鑰
雙虹一水橫洲渚參差柔短櫂雲烟斷續幻魏城忍教
殘雪畱絲鬢臥聽東山屐齒聲又機盡隨鷗尚未開駒
陰不肯駐衰顏相將醉醒消人事剩得風流在世閒霞
綸雲蒸粧澹水花殷鳥傲靜空山此時春色猶無賴一
曲漁歌一棹灣周廷鑑詩薄暮潘山道蒼茫落照低香
煙威惠廟沙礫秀才堤夾岸妨牛矢迴颺逐馬蹄何時
將斗酒深樹聽黃鸝

九日山在一都距縣西三里邑人以重九日登高於此或

云有道人言吾自戴雲山來此九日乃到因名名山記

山奧衍明秀溪流演濛峯巒映發隱爲一區自晉以來

縉紳先生以及方外之侶多登憩焉至唐秦系棲隱於

此姜公輔韓偓後先寄跡而名勝遂傳宋爲士大夫餘

送雅集之所熙寧閒守陳偁監郡日子瓘來構山房紹

興丙子朱文公尉同安秩滿與傅伯成載酒過此時文

公年二十七迨後三十年淳熙乙巳復與陳知柔賦詩

懷古而諸山愈重上有朱子書九日山三字唐歐陽詹贈山僧詩

笑向來人話古時繩床竹杖自扶持秋風頭冷不知刺

白黑蒼然髮到蒼張爲詩壘嶂橫空向郭西迥然高削

衆山低樹梢缺處見城郭日影落時聞鼓鼙韓偓贈山

僧詩盡說歸山避世塵幾人終肯別羣氛瓶茶開水盞

將月初掛松梢惹得雲三接善承前席過一靈今用戒
香薰相逢莫語金鑾事觸撥傷心不忍聞宋趙時煥詩
頻年因送客攜酒訪仙靈歸去成何事重來愧此亭天
寬野水白松潤石崖青倚杖思今古寒鷗落遠汀趙宗
皦詩蒼松藏野寺山以隱君靈倪仰千年事孤高九日
亭抗塵頭漸白甲古眼猶青有客耽幽討吟詩愧鶴汀
錢熙詩漁家深處住鷗鷺泊柴扉雨過山迷徑潮來風
滿衣岸幽分遠景波冷漾清暉却憶曾遊賞嚴陵有舊
磯吳岡詩村落晴明後旌旂香霽閒春心看花柳詩眼
掠江山遠樹疎烟合斜陽獨鳥還相看倦行役慚愧白
雲閒趙源詩九日登臨老奈何強將幽恨寄悲歌疲歛
巾帽愁風動病著肌腸厭酒多東嶺荒榛藏馬鬣西巖
空榻鏤蛛窠獨憐堂下千章木跨歷齊梁未改柯釋藏
叟詩石竈斷苔紋摩挲弔隱君風吹遊子袂月照古人
墳舊事殘碑在荒祠流水分永懷山忽暝黃葉墜秋雲
張守質詩步入禪關一徑餘攝衣登眺夕陽斜金谿碧
落千條練紫塔光涵五色霞月繫扁舟漁火渡風清古
碣隱君家遊人亦臥東山麓醉倚煙蘿學種瓜邱葵同

熊退齋遊詩八荒去求友名山在吾西雲石長挂眼云
何不攀躋攀躋有所求林木心所歡欣欣豈在木昔有
泰隱君隱君天上去尚有姓名畱想當嘉遯時煮茗共
倡酬倡酬者爲誰曰唯姜歐陽於昭忠與義追琢而成
章成章匪摘藻一字不出山最後有致光亦復茲盤桓
盤桓尚如昨人生幾陵谷至今荒祠下凜凜人如玉如
玉復如玉王千年仰高風誰哉共我遊建陽退齋翁翁謂
朱紫陽穆穆千載師昔年此游歷尚有妙句遺遺句尚
可咏於焉且徜徉欲尋廓然處但見山蒼蒼明下一中
詩青陽淑氣正稀微九日山中一振衣巖谷千年餘勝
槩冠裳萬里共春暉秦君亭廢名猶在姜相祠荒世已
非欲覓遼東舊時鷗馭風仍向海天飛郭輊石刻詩九
日山纔一日登山靈應待我來曾入亭野色浮詩案落
石溪聲雜夜鈴古岫何心畱幾隸南薰有力掃炎蒸乘
高莫道肩輿穩我自攀蘿我自升○記曰正德戊寅夏
六月望前一日泉別駕行西郊至南安駐節省風之餘
拉蓮峯子黃河清方舉子彥登九日山三人情志同也
因聯近體刻諸石王慎中詩最有登臨賞兼之賢達俱

暮年秋藉草鳴鳥看提壺古寺藏林裏輕霞映海隅青
春雲暮莫遣興情孤程秀民詩空山木落驚秋暮爲
惜黃花載酒過樹隱禪宮棲白鳥水深沙界滿青莎疎
篁日午侵棋局遠浦風生起棹歌三十六奇何處覓憑
僧猶說隱君窩詹仰庇詩九日風高向晚天馳車迢遞
攝孤烟巖高有客堪乘興雲宿無僧可問禪一水波光
連樹杪千山秋色落樽前微茫月影迷歸路簫鼓中流
入度船黃克晦詩欲泛金雞去伊人况復同江星偏好
雨水鳥自知風魚美新投網芹香乍出籠今宵溪上夢
併入櫓聲中又何處訪秦君捫蘿入鳥羣山行常帶雨
石坐不離雲樵徑林閒得漁歌水上聞何時還築室重
註五千文又高亭秋氣夜蕭蕭下界人家鼓角遙何處
山光如九口一年月色在今宵風吹桂露沾衣濕潮送
溪雲撓樹搖潦倒不知東外白金溪聲下錦溪橋又本
與名山有宿緣一年兩度此山巔風流不落孟嘉後強
健還居杜老前出壑野猿迎舊識孤僧茶竈起新煙秦
君物色憑誰領細揭荒碑弔昔賢黃景昉詩似爾供流
寓休官策未迂駉斑秦硯眠天矯晉松鬚蟲食碑苔盡

鶴窺丹火無相傳舊舶使曾此祭天吳又們葛扳蘿上
千年此度看日風生靜曉人鳥避高寒海老黃龍徙秋
深白露殘詎知煙影裏一簇是南安周廷鑑詩秋氣尚
氛氲秋山靜可悅况茲佳勝區緒風足擘嶺姜公鯁直
臣蛻骨餘芳烈肥遁有秦君泉石蘊高潔余欲往從之
垂老苦羈縻荏苒十六秋重來搔短髮仰盼峯霞興頗
視溪雲滅石磴躡欹危筇屐費周折臨風增歎歎杯酒
不下咽荒村樵牧稀豺虎紛搏齧丹灶瘞劫灰光炯漸
銷歇今昔理不殊空用悲往哲寄言謝山僧鏤頭暫可
輟閒臥半開雲飢烹一壺雪稍待菊花開再展重陽節
得暇還復來飲君石上月國朝張雲翼遊記泉州之
西山川盤鬱有江自北來會南安雙溪之水歷金溪黃
龍逕于石筍橋下是稱筍江湖江而上十五里有山曰
九日與衍明秀傳爲士大夫探憑登高之所今年雨暘
時若萬寶旣升余欲行郊原跡其盈寧之象因偕賓從
遊焉出臨漳門夙于橋畔連三舸爲方舟載絃管壺觴
于後乘風潮揚颿先之以漁艇縱橫水面計烹鮮以供
客是時曉嵐依浪新日暄沙洲渚之間時有野老結絲

于竹塢和鼓相逐而從行列校人馬雜岸知讓道襪
者俾各攜嬰扶杖以觀余屢停舟詢其歲計闕于方言
殊不多解但指顧簷屋稻畦雞犬烟火色欣欣有喜也
因命射于浦使糾桓者決拾破的少示扞圍衛民之意
日中始抵通濟橋橋旣圯剩系址如封塚玉虹偃波不
可以跨橋西爲金雞山東卽九日廼登岸經延福寺廢
址先陟姜相臺是以直諫作德宗貶此築室與秦系相
近者也系之穴石註老處則在臺西遂由東峯凌頂俯
瞰江光縈繞羣山眾壑開南放于海蒼蒼茫茫目不可
窮降自石佛巖後折而前見系所爲壚礮盆硯遺跡宛
然并看蘇才翁所篆高士峯字蒼勁古質如睹系之爲
人日將夕白秦君亭移坐一眺石于碧玉峽踏仄磴而
下過無等巖尋前徑以歸余顧謂客曰山以人重盛衰
之故山亦不能不聽消長于人方九日之盛于唐則高
隱如公輔公緒于宋則遊詠如朱文公陳休齋而磨崖
紀勝則又有若蘇魏公蔡忠惠之所揮題乃俱湮滅于
巖壁之間與琴泉雲井三十六奇鞠爲茂草今九日旣
衰自有起者追跡古人重爲山靈生色山卽厚自儉寧